

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09) člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj: 23/04) i člana 7. Odluke o načinu odabira projekata nevladinih organizacija po LOD metodologiji („Službene novine Kantona Sarajevo“, broj: 10/18) Općinski načelnik raspisuje,

JAVNI POZIV UDRUŽENJIMA BORAČKE POPULACIJE ZA PREDLAGANJE KANDIDATA/KINJE ZA ČLANA/ICU KOMISIJE ZA ODABIR PROJEKATA PO LOD METODOLOGIJI

Pozivaju se udruženja boračke populacije da dostave prijedlog kandidata/kinje koji/a će biti imenovan/a za člana/icu Komisije za ocjenu i odabir projekata udruženja boračke populacije po LOD metodologiji, a po Javnom pozivu udruženjima boračke populacije sa područja Općine Centar za predaju prijedloga projekata koji će biti finansirani/sufinansirani iz budžeta Općine Centar Sarajevo u 2022. godini

Udruženja boračke populacije dužna su dostaviti slijedeću dokumentaciju:

1. Ovjerena kopija Rješenja o registraciji;
2. Ime i prezime predloženog kandidata/kinje;
3. Dokaz o iskustvu kandidata/kinje sa akcentom na iskustva u civilnom sektoru (CV, certifikati, ugovori o angažmanu na poslovima u ocjenjivanju projekata i drugi relevantni dokumenti);
4. Kontakt telefon organizacije i predloženog kandidata/kinje.

Prednost prilikom odabira člana/ice Komisije će imati udruženje koja ima iskustvo u implementaciji projekata iz oblasti djelovanja utvrđenih Javnim pozivom.

Odabir kandidata/kinje će izvršiti nadležna Služba za boračko-invalidsku, socijalnu zaštitu i društvene djelatnosti, te će udruženjima koji su dostavili prijedloge, dostaviti obavijest o izvršenom odabiru.

Odarbani kandidat/kinja će prije razmatranja dostavljenih aplikacija po Javnom pozivu potpisati izjavu o sukobu interesa koja uključuje da član komisije:

- a) Nije učestvovao/la u razvoju nijednog projekta koji će razmatrati Komisija za ocjenu projekata,
- b) Projekti nisu povezani sa interesima (ličnim, finansijskim ili nekim drugim),
- c) Projekti nisu povezani sa interesima (ličnim, finansijskim ili nekim drugim) bilo koje organizacije koju vodi, predstavlja ili savjetuje.

Prijedlozi kandidata/kinje za imenovanje u Komisiju za ocjenu i odabir projekata udruženja boračke populacije po LOD metodologiji sa pratećom dokumentacijom, mogu se podnijeti u roku od 15 dana od dana objavljivanja Javnog poziva na web stranici Općine Centar Sarajevo, u zatvorenoj koverti, u jednom primjerku, putem protokola Općine Centar Sarajevo svakim radnim danom od 08 do 16 sati ili u zatvorenoj koverti preporučenom poštom sa naznakom „ Za Javni poziv – Prijedlog kandidata/kinje za projekte udruženja boračke populacije“, na adresu:

Općina Centar Sarajevo
Ul. Mis Irbina 1
71 000 Sarajevo
Bosna i Hercegovina

Nepotpune i neblagovremene aplikacije neće se razmatrati.



OPĆINSKI NAČELNIK

Srdan Mandić